



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Expositio Cavsarvm Quibus S. R. M. Sveciae bellum à
Rege Regnoque Daniae sibi illatum, etiam post Pacem
Roschildiae initam, continuare coacta fuit**

Coyet, Peter Julius

[S.l.], 1658

Lit. T. Protestatio Commissariorum Danicorum Serenissimi Angliae
Protectoris Ablegato in causa Holsatica exhibita.

urn:nbn:de:hbz:466:1-10534

Protestatio Commissariorum Danicorum Serenissimi Angliæ Protectoris Ablegato in causa Holsatica exhibita.

Domini Protectoris Angliæ, Scotiæ & Hiberniæ splendidissime Domine Ablegate, Illustris, Nobilissimi ac Generosissime, Domine honoratissime.

Qua ratione S. R. M. Daniæ ac Norwegiæ Regi & Domino nostro clementissimo in Tractatibus cum Sereniss. Celsitud. Ducis Slesvici & Holsatiæ heic commorantibus Dominis Ablegatis, nihil aliud fuerit propositum, nisi ut iidem amicabilibus mediis finirentur & concluderentur; quomodo Eadem S. R. M. per Nos, juxta normam Transactionis Roschildensis, suæ Sereniss. Celsit. Gravaminum & Postulatorum in scriptis exhibitum æquam satisfactionem promiserit, illamque in eo consistere crediderit, ut vigore Unionis utriusque Partis Consilarii constituerentur, qui omnes errores & controversias vel amica & placida conciliatione, vel per postulatos & utrinque approbatos arbitros deciderent, & illud ipsum adhuc ante instantem mensem Majum, si alteri parti placuissent, fieri potuisset, ubi in simul per Nos talia oblata fuere, quæ, ut speramus, sufficere poterant, illud omne Excell. Vestra est notissimum. Quoniam autem à parte S. Sereniss. Celsitud. isthanc bene fundatam oblationem respicere, nec in ea acquiescere, sed ut ferme apparet, totam rem majoribus difficultatibus obicere animus est; nomine S. R. M. hoc ipso quam sollemnissime protestari intermittere nequivimus, siquidem Tractatus isti termino in Pacis Roschildensis Instrumento definito ac præscripto ad finem optatum non perducerentur, exinde tam S. R. M. Regi & Domino Nostro clementissimo, quam Nobis ipsis nihil omnino imputandum. Requiritur itaque ab Excell. Vestra nomine S. R. M. clementer, nostro vero nomine officiose & maximopere, velit apud S. R. M. Sveciæ Excellentissimos Dominos Legatos, & ubi præterea necessarium & conducibile erit, altissime memoratæ S. R. M. ad componendas istas controversias toties deprehensam laudabilem intentionem haut gravatim notam facere, ne Eidem & Nobis sinistri aliquid heic imputetur; Interea vero S. Sereniss. Celsitud. in urbe hac adhuc præfentes Dominos Ablegatos autoritate sua maxime æstimata eò inducere, ut in exhibita à Nobis omni æquitati consentanea oblatione acquiescant, quò omnes istæ dissensiones via amicali sine ambagibus inter inelytas hæc Regiam & Ducalem domos, tam arcto consanguinitatis nexu conjunctas tollantur, mutua confidentia & perpetua sinceraque amicitia reducatur, & ad posteros propagetur.

Vestra Excellent.

ad officia paratissimi

Henricus Rantzow, Fridericus ab Ahlfeldt.

Arti-